

U cijeloj FBiH danas učitelji i nastavnici obustavljaju nastavu na 30 minuta



Prosvjetni radnici u vrtićima, osnovnim i srednjim školama na području Federacije BiH danas će održati polusatni štrajk upozorenja kako bi pokazali solidarnost prema kolegama iz Unsko-sanskog kantona.

Štrajk će biti održan u terminu od 10:30 do 11 sati.

Termin štrajka će se održati u vrijeme velikog odmora kako učenici ne bi ispaštali. Kada su vrtići u pitanju aktivnosti će u tom periodu biti reducirane no roditelji mogu biti mirni jer će djeca biti sigurna i zbrinuta.

Ukoliko se ne dođe do rješenja i Vlada USK ne odluči pregovarati s prosvjetnim radnicima, sindikati koji zastupaju prosvjetne radnike u FBiH će razmotriti opciju generalnog štrajka na nivou cijele Federacije BiH.

Podsjećamo, prosvjetni radnici danas štrajkuju kako bi se solidarisali s kolegama iz USK koji štrajkuju od 2. septembra.

Za Vladu USK imaju samo dva zahtjeva: poštivanje kolektivnog ugovora za zaposlene u obrazovanju što znači da se mora osigurati osnovica za plaće koja je bila definisana i usvojena, a koja se krši se od septembra 2018. do danas i isplata razlika na plate od septembra prošle godine do danas. (klix)

Date: 11-09-2019